

Makitibi ki Pol ndangi adi Piləmo

Ta ki də makitibi ti ki Pol ndangi adi Piləmo

Piləmo e dəw kare ki təe 6a ki adi mene Jəju Kirisi. Ningə a e ki kare dan njé kaw-naa je ti ki Kolosi. Piləmo e madi Pol (1). Aw ki 6əə kare ki təe nə Onəjim, ki təe me kəy ti lie əy. Ningə dəw gər nə ki ra nə ə Onəjim əy-n al nim, taa dəw gər rəbi ki ingəi-naa ki Pol ki dəkagiloe ti noq kin to dangay ti kin al nim tə. Nə kare 6a, j-ingə kadi Onəjim təl nje kun go Kirisi. NGa ningə, Pol un ndune kadi n-ilə ki Onəjim rə Piləmo ti gogi. E be ə, ndangi-n makitibi kin ade kadi uwə Onəjim ki rone ti. Kadi oo-e tə 6əə al ngata, nə kadi oo-e tə ngokqe ki me kadi-me Kirisi ti.

Pol ilə ngirə makitibi ləne ki ta kuwə ji Piləmo nim, kuwə ji njé ki isi me kəy ti lə Piləmo nim (1-3). Ba go ti, ra oyo Luwə mbata tingə bil lə Piləmo (4-7). Go oyo ki ra ti nga 6a Pol ində nə dəjə ləne ki mbata lə Onəjim ki noq Piləmo ti, tadə Pol ndigi kadi Onəjim təl aw rə 6ane ti gogi (8-22). Me ta kuwə ji-naa ti ki Pol təl-n ta makitibi ləne kin, tıdə tə dije ngay ki təde to me makitibi ti ki ndangi adi Kolosi je (Kol 4.10, 12, 14). J-a j-ingə tə dəw tə Arsipi ki j-o təe Plm 2 tə Kol 4.17 tə kin. Dəmajı ə e darə Onəjim ə wa ə aw ki makitibi la Kolosi je tə e ki ya Piləmo tə.

J-ingə me makitibi ti ki Pol ndangi adi Piləmo kin kadi əl-e ta ki mindi ki səl ləm ləm bə ində təgi dəe ti al nim, taa maji təgi ki Piləmo aw-n də Onəjim ti al nim tə. Nə kare 6a, ole me Piləmo tə, me dije pəti ki a tıdəi makitibi kin tə də ndigi-naa ti lə Kirisi ki a ra

kadi ta ri ə to dan dije ti ka, a təli iləi nojı naa ti me Kirisi ti.

Kuwə ji-naa

¹ Mi Pol ki mi dangay ti mbata Poy Ta ki Majı lə Jəju Kirisi, naa ti ki ngokoje Timote, j-ilə ki makitibì kin j-uwə-n jii i Piləmo ki i madije ki ngay taa i madi-kilə je tə[✳]. ²J-uwə ji konanje Apiya, taa Arsipi ki e madi rɔ ləje ki mbata lə Kirisi kin tə[✳]. Ningə j-uwə ji njé kaw-naa je ki isi me kəy ti ləi i Piləmo tə. ³Kadi me-majı ki kisi-maje lə Bawje Luwə ei ki Babə ləje Jəju Kirisi e naa ti səsi.

NDigi-naa ki kadi-me lə Piləmo

⁴ M-ra oyo Luwə ləm mbata dəkagilo je pəti ki m-isı m-əl sie ta ningə, mem ole dəi ti i Piləmo. ⁵Tadə m-o poyi kadi indigi ngan lə Luwə pəti. Ki əji də kadi-me ningə, adi mei Babə Jəju Kirisi tə. ⁶M-dəjì Luwə kadi kində rɔ naa ti ləi səje də kadi-me ti tee ki kandi nə ngay. Kadi-me kin a təjì kadi dije gərī kılə je pəti ki majı ki j-asi ra ki takul kində rɔ naa ti ləje ki Jəju Kirisi. ⁷NGokom, m-ingə rənəl ki me-səl ngay ki mbata ndigi ləi, tadə ngan lə Luwə ingəi me-səl ki go rəbi ndigi ləi kin.

Nə dəjì lə Pol mbata Onajim

⁸ E be ə, re m-ingə təgi ji Kirisi ti mba kadi m-ɔjii nə ki səbi kadi ira ka, ⁹m-ge kadi, ki takul ndigi-naa ki to danje ti kin, m-dəjì nə tə dəjì yo. Təki o-n, mi Pol mi ngatogi, taa dəkagilo ti kin mi me kəy dangay ti mbata lə Jəju Kirisi, ¹⁰m-dəjì nə kare ki mbata ngonm ki me Kirisi ti Onajim. NGəsine, m-təl bawé

[✳] 1:1 13, 22, 23 [✳] 1:2 Kol 4.17

kı go ta tı lə Jəju me kəy dangay ti ne[✳]. **11** Kəte e dəw kı ndae goto ta kəmi tı, nə ngəsine, təl dəw kı ndae to ti mbata ləje joo pu.

12 M-təl m-ile kı rəi tı gogi, e kı e dəw rəm. **13** M-ge ngay kadi m-ngəm-e rəm tı ne mba kadi ra kılə adi-m toi tı, dəkagilo tı kı mi-n dangay tı kı mbata Poy Ta kı Majı lə Jəju kin. **14** Nə m-ndigi ra nə madi kı kanjı koo yaqi, al. Mər ta ləm e kı mba kadi ra majı ləi e kı go me ndigi tı ləi j wa, bı e kı təgi tı kı kində də tı al.

15 Dəmajı ə, Onəjim gangı-naa səi dəkagilo kı ndəy be, mba kadi re ingle gogi ningə, isi səi ratata. **16** A ingle gogi tə bəə al ngata. A o-e tə dəw kı gate e ngay itə bəə. A e ngokoi kı nje ndigi ləi me Kirisi tı. M-ndige ngay, nə m-gər kadi ndigi kı a ındige a itə yəm bəy, kı go darə tı, a se kı go rəbi tı lə Luwə.

17 E be ə, re o-m tə madi-kıləi ningə, uwe rəi tı təki e mi wa ə uwə-m rəi tı be. **18** Re ra səi nə madi ki nəl-i al, a se re aw kı bangı ləi dəe tı ka, ındə dəm tı. **19** Mi Pol wa ə m-ndangi ta kin kı jim. M-a m-igə-i bangı kin. Majı kadi igər təki m-aw kı bangı dəi tı, adı e darəi j wa. **20** Oyo NGokom, m-dəji mba kadi ira kılə kin adı-m me tə Babe tı. İra adı mem səl me tə Kirisi tı.

21 Məm ole də təl rə go ta tı ləi dəkagilo tı kı m-isı m-ndangi-n makitibı kin m-adi. Ningə m-gər kadi a ira təki m-dəji. Dəmajı ə, a ira itə e kı m-dəji kin bəy. **22** Ningə m-dəji mba kadi ındə dəkəy madı dana adı-m. Tadə m-ındə mem də tı kadi, kəl kı isi əli ta kı Luwə kı mbata ləm kin, a ra adı njé koğe je a iyəi mi taa adı səsi.

Kuwə ji-naa kı dəbəy tı

[✳] **1:10** Kol 4.9

23 Epapirasi uwə jisi. E səm naa ti kəy dangay ti ne ki mbata lə Jəju Kirisi[☆]. **24** Madı kiləm je, Marki[☆] əi ki Arisitarki[☆], taa Dəmasi[☆] əi ki Luki[☆] uwəi jisi tə.
25 Kadı me-majı lə Babə Jəju Kirisi e naa ti səsi.

[☆] **1:23** Kol 1.7; 4.12 [☆] **1:24** 2Tim 4.11 [☆] **1:24** Knjk 19.29; 27.2;
Kol 4.10 [☆] **1:24** Kol 4.14; 2Tim 4.10 [☆] **1:24** Kol 4.14

KELƏ-MHNDI KI SIGI

New Testament in Bedjond (CD:bjv:Bedjond)

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bedjond

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

PDF generated using Haiola and XeLaTeX on 11 Nov 2022 from source files
dated 29 Jan 2022
a4f34a03-c89e-55e0-bc3f-22f7829df823